

VARDA CHE ZIÈLO

da *El gato sol fogolaro*
di Renato Trevisan

Varda che zièlo, senti che bìgolo
de aria, smìncia fra 'e rame de l'ùpio...
On gardelin el canta fando el dùpio
co 'n merlo. El sole cata on sbìngolo

passando tra le fòje che trèmola
tacà al so pecólo; on zòcolo
xe stà assà so 'a porta d'on ròcolo;
delà de 'a fumara vedo el Gèmola...

Me vardo 'torno, po' sento prémare
na fita 'l cuore: me vien da tèmare
che angioliti, farfòjo e méleghe,

co finfignèle, s-ciaranti e zéleghe
finìssa ch' i va persi. Ma na cùbia
de finchi no lo sà e i tuga e i sùbia.

